

ЎЗБЕКИСТОН RESPUBLIKASI VAZIRLAR MAHQAMASINING
QARORI

48 Республика болалар ижтимоий мослашуви марказининг ҳимояга муҳтож болаларни ижтимоий муҳофаза қилишни мувофиқлаштириш, назорат қилиш ва мониторингини олиб бориш бўйича Жамоатчилик кенгаши ҳамда Илмий-методик кенгаши фаолиятини ташкил этиш тўғрисида

Вазирлар Маҳкамасининг «Республика болалар ижтимоий мослашуви марказини ташкил этиш тўғрисида» 2004 йил 7 сентябрдаги 419-сон қарорига мувофиқ ҳамда давлат ва нодавлат нотижорат ташкилотларининг ижтимоий сиёсатни амалга оширишдаги фаолиятини идоралараро мувофиқлаштиришни таъминлаш мақсадида Вазирлар Маҳкамаси **қарор қилади:**

1. Қуйидагилар:

Республика болалар ижтимоий мослашуви марказининг ҳимояга муҳтож болаларни ижтимоий муҳофаза қилишни мувофиқлаштириш, назорат қилиш ва мониторингини олиб бориш бўйича Жамоатчилик кенгаши тўғрисидаги низом 1-иловага мувофиқ;

Республика болалар ижтимоий мослашуви марказининг ҳимояга муҳтож болаларни ижтимоий муҳофаза қилишни мувофиқлаштириш, назорат қилиш ва мониторингини олиб бориш бўйича Жамоатчилик кенгаши таркиби 2-иловага мувофиқ;

Республика болалар ижтимоий мослашуви марказининг Илмий-методик кенгаши тўғрисидаги низом 3-иловага мувофиқ;

Республика болалар ижтимоий мослашуви марказининг Илмий-методик кенгаши таркиби 4-иловага мувофиқ тасдиқлансин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.И. Икромов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2014 йил 20 январь,
11-сон

Вазирлар Маҳкамасининг
2014 йил 20 январдаги 11-сон қарорига
1-ИЛОВА

**Республика болалар ижтимоий мослашуви марказининг
ҳимояга муҳтож болаларни ижтимоий муҳофаза қилишни
мувофиқлаштириш, назорат қилиш ва мониторингини олиб
бориш бўйича Жамоатчилик кенгаши тўғрисида
НИЗОМ**

I. Умумий қоидалар

1. Мазкур Низом Республика болалар ижтимоий мослашуви марказининг ҳимояга муҳтож болаларни ижтимоий муҳофаза қилишни мувофиқлаштириш, назорат қилиш ва мониторингини олиб бориш бўйича Жамоатчилик кенгаши (кейинги ўринларда Жамоатчилик кенгаши деб аталади) фаолияти тартибини белгилайди.

2. Жамоатчилик кенгаши фаолияти ҳимояга муҳтож болаларни ижтимоий ҳимоялашда идоралараро мувофиқлаштириш, назорат қилиш ва мониторингини олиб боришни таъминлашга йўналтирилган, Ўзбекистонда болаларни ижтимоий ҳимоя қилишнинг самарали механизмларини ишлаб чиқиш ва жорий қилиш ҳамда Республика болалар ижтимоий мослашуви маркази (кейинги ўринларда РБИММ деб аталади) фаолияти билан боғлиқ вазифаларни самарали бажариш учун РБИММ ҳузурида ташкил этилган маслаҳат органи ҳисобланади.

Жамоатчилик кенгашининг таркиби Ўзбекистон Республикаси Вазирлар Маҳкамаси томонидан тасдиқланади.

3. Жамоатчилик кенгаши ўз фаолиятида Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, мазкур Низомга ва бошқа қонун ҳужжатларига амал қилади.

II. Жамоатчилик кенгашининг мақсади ва вазифалари

4. Жамоатчилик кенгашининг асосий мақсади болаларни ижтимоий ҳимоя қилиш соҳасидаги давлат сиёсатини амалга оширишда болаларни ижтимоий ҳимоя қилиш тизимига (вазирликлар, идоралар ва нодавлат но-тижорат ташкилотларига) кўмаклашишдан иборат.

5. Қуйидагилар Жамоатчилик кенгашининг асосий вазифалари ҳисобланади:

болаларни ижтимоий ҳимоя қилиш соҳасидаги устувор йўналишларни белгилаш;

болаларни ижтимоий ҳимоя қилиш соҳасида давлат сиёсатининг усту-

вор йўналишларини амалга ошириш бўйича химояга муҳтож гуруҳ болаларини самарали ижтимоий химоя қилиш механизмларини ишлаб чиқиш ва жорий этиш;

химояга муҳтож гуруҳдаги болаларни самарали ижтимоий химоя қилиш механизмини такомиллаштириш бўйича таклифлар ишлаб чиқиш;

болаларни ижтимоий химоя қилиш тизимидаги давлат ва нодавлат нотижорат ташкилотлари фаолиятини идоралараро мувофиқлаштириш, назорат қилиш ва мониторингини олиб бориш бўйича таклифлар ишлаб чиқиш;

болаларни ижтимоий химоя қилиш тизими муассасалари ва мутахассисларининг амалий фаолияти асосларини ҳамда мезонларини ишлаб чиқиш;

болаларни ижтимоий химоя қилиш тизимидаги атамалар ва асосий тусунчаларни халқаро стандартларга мувофиқлаштириш ва такомиллаштириш;

болаларни ижтимоий химоя қилиш соҳасидаги қонунчиликка қўшимча ва ўзгартиришлар киритиш бўйича таклифлар ишлаб чиқиш;

болаларни ижтимоий химоя қилиш соҳасидаги қонунлар ва бошқа норматив-ҳуқуқий ҳужжатлар лойиҳаларининг жамоатчилик экспертизасидан ўтказилишини ташкил этиш;

болаларни ижтимоий химоя қилиш соҳасида халқаро ҳамкорликни мустаҳкамлаш;

болаларни ижтимоий химоя қилиш муассасаларининг моддий-техника базасини мустаҳкамлаш мақсадида ички ва ташқи инвестицияларни жалб қилиш бўйича тавсиялар ишлаб чиқиш.

III. Жамоатчилик кенгашининг ҳуқуқ ва мажбуриятлари

6. Жамоатчилик кенгаши ўзига юкланган вазифаларни амалга ошириш учун қуйидаги ҳуқуқларга эга:

Жамоатчилик кенгаши зиммасига юкланган вазифаларни бажариш доирасида вазирликлар, идоралар ва ҳуқуқни муҳофаза қилиш органларидан зарур маълумотларни қонунчиликда белгиланган тартибда сўраш ва олиш;

комплекс дастурларни ҳамда алоҳида ишларни ишлаб чиқиш учун олимлар ва амалиётчи мутахассисларни, шу жумладан шартнома асосида РБИММ маблағлари ва молиялаштиришнинг бошқа манбалари ҳисобига белгиланган тартибда жалб этиш;

вазирликлар, идоралар ва нодавлат нотижорат ташкилотлари томонидан химояга муҳтож гуруҳдаги болаларни ижтимоий химоя қилиш масалалари бўйича ўтказиладиган йиғилишларда, конференциялар ва семинарларда иштирок этиш ва Жамоатчилик кенгаши манфаатларини ифодалаш;

ўз фаолияти йўналишлари бўйича Жамоатчилик кенгаши аъзолари, олимлар, амалиётчи мутахассислар ва нодавлат нотижорат ташкилотлари вакилларида иборат комиссияларни, шунингдек фаолиятига раҳбарлик қилиш Жамоатчилик кенгаши аъзоси зиммасига юкланадиган доимий ва вақтинчалик ишчи гуруҳларни тузиш.

7. Жамоатчилик кенгаши ўзига юкланган вазифаларни бажариш учун амалдаги аниқ натижалар самарадорлиги таҳлилини амалга ошириши ҳамда

болаларни ижтимоий ҳимоя қилиш тизими фаолиятини (мувофиқлаштириш, назорат қилиш ва мониторингини олиб бориш йўли билан) умумлаштириши, шунингдек Ўзбекистон Республикаси Вазирлар Маҳкамасига қуйидагилар бўйича таклифлар киритиши зарур:

ҳимояга муҳтож гуруҳдаги болаларни ижтимоий ҳимоя қилиш механизмини такомиллаштириш;

болаларни ижтимоий ҳимоя қилиш тизимидаги вазирликлар, идоралар ва нодавлат нотижорат ташкилотлари фаолиятининг идоралараро мувофиқлаштирилишини такомиллаштириш;

конун ҳужжатларига ўзгартириш ва қўшимчалар киритиш.

IV. Жамоатчилик кенгаши ишларини режалаштириш

8. Жамоатчилик кенгашининг ишлари болаларни ижтимоий ҳимоя қилишга доир давлат дастурлари ҳамда йиллик режалар асосида амалга оширилади.

9. Йиллик иш режаси белгиланган масалаларни ҳал қилишга йўналтирилган чора-тадбирлар рўйхатидан иборат бўлиб, унда бажариш учун масъуллар ҳамда уларни бажариш муддатлари кўрсатилади.

10. Йиллик иш режасига Жамоатчилик кенгаши аъзолари томонидан киритиладиган таклифлар Жамоатчилик кенгаши масъул котибига юборилади. Тушган таклифлар ишчи гуруҳлар мажлисларида муҳокама қилингандан кейин йиллик иш режаси навбатдаги режалаштириш давридан олдинги ойда Жамоатчилик кенгаши қарори билан тасдиқланади.

V. Жамоатчилик кенгаши фаолиятини ташкил этиш

11. Жамоатчилик кенгаши раис, раис ўринбосарлари, масъул котиб ва Жамоатчилик кенгаши аъзоларидан иборат таркибда тузилади. Улар Жамоатчилик кенгаши ишларида жамоатчилик асосида иштирок этадилар. Жамоатчилик кенгаши аъзоларининг номзодлари тегишли вазирликлар, идоралар, нодавлат нотижорат ташкилотлари томонидан тавсия қилинади.

12. РБИММ директори Жамоатчилик кенгаши раиси ҳисобланади.

Жамоатчилик кенгаши раисининг ваколатларига қуйидагилар киради:

Жамоатчилик кенгаши мажлиси кун тартибини белгилаш ҳамда мажлисларини чақириш;

Жамоатчилик кенгаши томонидан қабул қилинган қарорларнинг ижроси юзасидан назоратни ташкил этиш;

Жамоатчилик кенгаши аъзолари ишларини уларга юкланган вазифаларни бажаришлари бўйича мувофиқлаштириш;

Жамоатчилик кенгашига раҳбарлик ҳамда унинг фаолиятини назорат қилиш;

Жамоатчилик кенгашининг самарали фаолиятини таъминлашга доир бошқа ишларни амалга ошириш.

13. Жамоатчилик кенгашининг масъул котиби:

барча зарур ҳужжатларнинг навбатдаги Жамоатчилик кенгаши мажлисига ўз вақтида тайёрланишини таъминлайди;

Жамоатчилик кенгаши мажлислари кун тартибига қўйилган масалалар бўйича ўтказилишини таъминлайди;

Жамоатчилик кенгаши аъзоларини ва таклиф қилинганларни мажлис ўтказиладиган сана, вақт ва жой тўғрисида хабардор қилади;

Жамоатчилик кенгаши қарорларининг ижроси мониторингини олиб боради ҳамда унинг натижаларини Жамоатчилик кенгаши мажлисида кўриб чиқиш учун тақдим қилади;

Жамоатчилик кенгаши мажлислари баённомаларини расмийлаштиради ҳамда тасдиқланган баённомаларни Жамоатчилик кенгаши аъзоларига ва бошқа манфаатдор ташкилотларга юборади;

Жамоатчилик кенгаши иш регламентига мувофиқ бошқа вазифаларни бажаради.

14. Жамоатчилик кенгашининг иш тартиби йиллик иш режасига ҳамда РБИММ директори томонидан тасдиқланадиган Жамоатчилик кенгашининг иш регламентига мувофиқ ташкил этилади.

15. Жамоатчилик кенгаши ўз фаолияти тўғрисидаги йиллик ҳисоботни Ўзбекистон Республикаси Вазирлар Маҳкамасининг Маданият, таълим, соғлиқни сақлаш ва ижтимоий муҳофаза масалалари ахборот-таҳлил департаментига тақдим этади.

16. Жамоатчилик кенгаши мажлислари ҳар ярим йилда камида бир марта ўтказилади. Зарур ҳолларда Жамоатчилик кенгашининг навбатдан ташқари мажлислари ўтказилиши мумкин. Жамоатчилик кенгаши мажлисини раис бошқаради. Раис бўлмаган ҳолларда мажлисни Жамоатчилик кенгаши раиси ўринбосарлари олиб борадилар.

17. Жамоатчилик кенгаши мажлиси унда аъзоларининг ярмидан кўпи иштирок этганда ваколатли бўлади.

Жамоатчилик кенгаши қарорлари Жамоатчилик кенгашининг мажлисида иштирок этаётган аъзоларининг оддий кўпчилик овози билан қабул қилинади. Овозлар сони тенг бўлган ҳолларда Жамоатчилик кенгаши мажлисида раислик қилувчининг овози ҳал қилувчи овоз ҳисобланади.

18. Жамоатчилик кенгашига юкланган вазифаларни бажариш учун унинг аъзоларидан ишчи гуруҳлар ташкил этилади. Уларнинг фаолияти ва таркиби Жамоатчилик кенгаши қарори билан тасдиқланади.

Жамоатчилик кенгаши мажлисларида иштирок этиш, шунингдек ишчи гуруҳ таркибида ишлаш учун вазирликлар, идоралар ва нодавлат нотижорат ташкилотларидан мутахассислар жалб қилиниши мумкин.

VI. Жамоатчилик кенгаши томонидан қарорларнинг қабул қилиниши ва уларнинг ижросини ташкил этиш

19. Жамоатчилик кенгаши қарорлари Жамоатчилик кенгаши мажлиси баённомаси билан расмийлаштирилади. Жамоатчилик кенгаши мажлиси баённомаси унинг барча аъзолари томонидан имзоланади, масъул котиб томонидан имзоланиб, Жамоатчилик кенгаши раиси томонидан тасдиқлана-

ди ҳамда бир ҳафта муддатда Жамоатчилик кенгаши аъзоларига ва манфаатдор ташкилотларга юборилади.

Жамоатчилик кенгашининг ҳар бир аъзоси қабул қилинадиган қарорлар юзасидан ўз фикр-мулоҳазаларини ёзма ифодалаш ҳуқуқига эга.

20. Жамоатчилик кенгаши раиси қарорларни тезкор қабул қилиш мақсадида, Жамоатчилик кенгашининг алоҳида масалалар бўйича қарорларини Жамоатчилик кенгаши иштирокчилари билан сўровнома ўтказиш йўли орқали тасдиқлаши мумкин.

21. Жамоатчилик кенгаши баённомасининг асл нусхаси ва унга илова қилинган материаллар Жамоатчилик кенгаши масъул котибида сақланади.

22. Жамоатчилик кенгаши қабул қилинган қарорларнинг бажарилишини ўз мажлисларида мунтазам равишда кўриб чиқади.

23. Жамоатчилик кенгаши ўзига юкланган вазифаларнинг ўз вақтида ва сифатли бажарилиши юзасидан жавоб беради.

Вазирлар Маҳкамасининг
2014 йил 20 январдаги 11-сон қарорига
2-ИЛОВА

**Республика болалар ижтимоий мослашуви марказининг
ҳимояга муҳтож болаларни ижтимоий муҳофаза қилишни
мувофиқлаштириш, назорат қилиш ва мониторингини олиб
бориш бўйича Жамоатчилик кенгаши
ТАРКИБИ**

Алимова В.С.	— РБИММ директори, Жамоатчилик кенгаши раиси
Холбеков А.Ж.	— Ўзбекистон Республикаси Халқ таълими вазирининг ўринбосари, Жамоатчилик кенгаши раисининг ўринбосари
Ахунова М.А.	— «Sen yolg'iz emassan» Республика болалар жамоатчилик фонди ўқув маркази директори, Жамоатчилик кенгаши раисининг ўринбосари
Нарбаева Т.К.	— Ўзбекистон Касаба уюшмалари Федерацияси Кенгаши раиси
Ахмедов А.А.	— Ўзбекистон «Маҳалла» хайрия жамоат фонди раиси
Юнусова А.Т.	— Ўзбекистон Республикаси Олий Мажлиси Қонунчилик палатаси депутати (<i>келишув асосида</i>)
Абдурахманов О.Қ.	— Ўзбекистон Республикаси Вазирлар Маҳкамасининг Маданият, таълим, соғлиқни сақлаш ва ижтимоий муҳофаза масалалари ахборот-таҳлил департаменти бош мутахассиси
Ризаев Ф.Х.	— Ўзбекистон Республикаси Олий ва ўрта махсус таълим вазирининг биринчи ўринбосари
Салимов У.З.	— Ўзбекистон Республикаси Олий ва ўрта махсус таълим вазирининг биринчи ўринбосари, Ўрта махсус, касб-ҳунар таълими маркази директори

- лавозимига кўра — Ўзбекистон Республикаси Маданият ва спорт ишлари вазирининг ўринбосари
- Тўйчиева А.Н. — Ўзбекистон Республикаси Соғлиқни сақлаш вазирининг ўринбосари
- Халилов Ф.К. — Ўзбекистон Республикаси Меҳнат ва аҳолини ижтимоий муҳофаза қилиш вазирининг ўринбосари
- Муҳамеджанова Ф.Х. — Ўзбекистон Республикаси «Камолот» ёшлар ижтимоий ҳаракати марказий кенгаши раисининг ўринбосари
- Шорахметов Ш.Ш. — Ўзбекистон Республикаси Молия вазириликнинг Ижтимоий соҳа ва фанни молиялаштириш Бош бошқармаси бошлиғи
- Якубова Д.Ш. — Ўзбекистон Республикаси Адлия вазириликнинг Нотариат, адвокатура ва ФХДЁ органлари бошқармаси бошлиғи
- Халиков И.М. — Ўзбекистон Республикаси Ички ишлар вазирилик Вояга етмаганлар ўртасида ҳуқуқбузарликлар профилактикаси бўлимлари фаолиятини ташкил этиш бўлими бошлиғи
- Давлетов Р.К. — Ўзбекистон Республикаси Олий суди ҳузуридаги Суд қонунчилигини демократлаштириш ва либераллаштириш ҳамда суд тизими мустақиллигини таъминлаш бўйича тадқиқот маркази директори вазифасини бажарувчи
- Абидова Г.М. — «SOS — Ўзбекистон болалар маҳаллалари» уюшмаси миллий директори
- Муродова Ш.О. — «Ўзбеккино» миллий агентлигининг Илмий-оммабоп ва хужжатли фильмлар киностудияси директори
- Бакаева Ф.Х. — Ўзбекистон Республикаси Инсон ҳуқуқлари бўйича миллий марказининг инсон ҳуқуқлари бўйича таҳлил ва тадқиқот бўлими мудири
- Мусурмонова О.М. — Ўзбекистон давлат жаҳон тиллари университетининг «Педагогика ва психология» кафедраси мудири
- Бегматов А.С. — Ўзбекистон Республикаси Президенти ҳузуридаги Давлат бошқаруви академиясининг «Фуқаролик жамияти асослари» кафедраси профессори
- Назарова Э.Н. — РБИМнинг Жисмоний имкониятлари чекланган болалар муаммоларини ўрганиш бўлими раҳбари
- Хрульнова Г.В. — РБИМнинг Ота-оналари қаровисиз қолган болалар муаммоларини ўрганиш бўлими раҳбари
- Бозоров А.А. — РБИМнинг Болаларнинг ҳуқуқий муаммоларини ўрганиш бўлими раҳбари
- Тожиева С.Х. — РБИМнинг Ижтимоий ишлар бўлими раҳбари
- Тоирова М.А. — РБИМнинг Алоҳида иқтидорли болалар муаммоларини ўрганиш бўлими раҳбари
- Каримова И.Ш. — РБИМ Ахборот-консалтинг хизмати раҳбари
- Исроилова Н.А. — РБИМнинг Ижтимоий ва ҳуқуқий жиҳатдан хатарли гуруҳларга кирадиган болалар муаммоларини ўрганиш бўлими раҳбари, **Жамоатчилик кенгаши масъул котиби**

Изоҳ: жамоатчилик кенгаши аъзолари бошқа ишга ўтган тақдирда, унинг

таркибига ушбу лавозимга янгидан тайинланган шахслар ёки тегишли функцияларни бажариш зиммасига юкланган шахслар киритилади.

Вазирлар Маҳкамасининг
2014 йил 20 январдаги 11-сон қарорига
З-ИЛОВА

**Республика болалар ижтимоий мослашуви марказининг
Илмий-методик кенгаши тўғрисида
НИЗОМ**

I. Умумий қоидалар

1. Мазкур Низом Республика болалар ижтимоий мослашуви марказининг Илмий-методик кенгаши (кейинги ўринларда Илмий-методик кенгаш деб аталади) фаолияти тартибини белгилайди.

2. Илмий-методик кенгаш илмий-методик ва ўқув, кўргазмалар қўлланмалар, дастурларни муҳокама қилиш, шунингдек болаларни ижтимоий ҳимоя қилиш, уларнинг мослашувини таъминлаш, реабилитациясини амалга ошириш соҳасидаги илғор миллий ва халқаро тажрибани ўрганиш ва оммалаштиришга доир тавсияларни ишлаб чиқиш мақсадида тузилган коллегиял маслаҳат органи ҳисобланади.

Илмий-методик кенгаш таркиби Ўзбекистон Республикаси Вазирлар Маҳкамаси томонидан тасдиқланади.

3. Илмий-методик кенгаш ўз фаолиятида Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Олий Мажлиси палаталари қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Республика болалар ижтимоий мослашуви марказининг (кейинги ўринларда РБИММ деб аталади) Уставига ва ушбу Низомга амал қилади.

4. РБИММ масъул ходимлари Илмий-методик кенгаш мажлисларининг юқори савияда ва ушбу Низомга мувофиқ равишда ўтказилиши юзасидан жавоб берадилар.

II. Илмий-методик кенгашнинг вазифалари ва ҳуқуқлари

5. Қўйидагилар Илмий-методик кенгашнинг асосий вазифалари ҳисобланади:

ногирон, жисмоний ва руҳий ривожланишида нуқсонли бўлган, сурункали оғир касал болалар, шунингдек ота-онаси ёки уларнинг ўрнини босувчи шахслар қарамоғисиз қолган болалар, ижтимоий ва ҳуқуқий жиҳатдан хатарли гуруҳларга мансуб нотинч оилалар фарзандлари, алоҳида иқтидорли

болалар муаммоларига тааллуқли илмий-методик, ўқув ва кўргазмали қўлланмалар, дастурлар ва бошқа адабиётларни муҳокама қилиш, ўз тавсияларини манфаатдор вазирликлар, идоралар ва нодавлат нотижорат ташкилотларига тақдим этиш;

замонавий илмий тадқиқотлар ва билимларни миллий ва хорижий тажрибани ҳисобга олган ҳолда ҳуқуқни қўллаш, ижтимоий, педагогик, тиббий-реабилитация ва профилактика амалиётига татбиқ этиш мақсадида РБИММ ходимларининг, бошқа ташкилотлар мутахассисларининг болаларнинг оила даврасида, таълим олиш соҳасида, соғлиқни сақлашда, меҳнатга ва касбий тайёрлашда, одил судлов соҳаларида ижтимоий мослашув муаммоларини ўрганишга доир фундаментал, амалий, инновацион тадқиқотлардаги иштирокини таъминлаш;

турли илмий-методик ва ўқув қўлланмаларини кўриб чиқиш ва нашр этишга тавсия қилиш, РБИММ мутахассислари томонидан нашр этиладиган маълумотнома материаллар ва кўргазмали қўлланмаларни, семинарлар, тренинглар дастурларини ва бошқа материалларни, шунингдек ҳимояга муҳтож гуруҳдаги болаларнинг ижтимоий ҳимояси, мослашуви ва реабилитациясига оид илғор миллий ҳамда халқаро иш тажрибасини ўрганиш ва оммалаштириш бўйича тавсияларни тасдиқлаш;

болаларнинг ижтимоий ҳимояси, мослашуви ва реабилитацияси соҳасида янги шакллар, методикалар, технологияларни ишлаб чиқиш, синовдан ўтказиш ва жорий этиш йўли билан РБИММ умумий фаолияти самарадорлигини ошириш ҳамда мутахассислар ишларини такомиллаштириш чоратадбирларини ташкил этиш;

РБИММда ўтказиладиган илмий-тадқиқот ишлари натижалари бўйича ҳисоботларни ва уларнинг якунларига мувофиқ хулосаларни тайёрлаш ҳамда ҳар йилнинг декабрь ойида тақдим этиш;

болаларнинг ижтимоий ҳимояси, мослашуви ва реабилитацияси соҳасидаги етук мутахассисларни Илмий-методик кенгаш мажлисларида иштирок этишга, экспертиза ўтказишга, шунингдек РБИММ томонидан нашр этиладиган илмий-методик ва бошқа адабиётларни таҳлил ва таҳрир қилишга жалб этиш;

РБИММ ҳамкорлари (вазирликлар, идоралар, ҳуқуқни муҳофаза қилиш органлари ва бошқа ташкилотлар) тажрибасини ўрганиш;

тадқиқотлар натижаларини амалиётга жорий этиш самарадорлигини ошириш ишларини олиб бориш, шунингдек илмий-методик, ўқув ва кўргазмали қўлланмаларни, методик тавсияларни, семинарлар дастурларини, психологик тренингларни ишлаб чиқишда бевосита иштирок этиш.

6. Илмий-методик кенгаш ўзига юкланган вазифаларни бажариш мақсадида куйидаги ҳуқуқларга эга:

мутахассисларнинг муаллифлик фаолияти, болаларни ижтимоий ҳимоя қилиш соҳасидаги ишларининг ҳолати ҳақидаги ахборотларни эшитиш, шунингдек болаларни ижтимоий ҳимоя қилиш, уларни мослаштириш ва реабилитация қилишнинг тегишли масалалари бўйича тавсиялар бериш;

болаларнинг ижтимоий ҳимояси соҳасидаги нашрлар, материаллар ва

тадқиқот дастурлари бўйича иш олиб бориш мақсадида муаллифларнинг ижодий гуруҳларини шакллантириш;

мақсадли аудиториялар, тегишли вазирликлар, идоралар ва нодавлат нотижорат ташкилотлари учун ишлаб чиқилган илмий-методик, ўқув ва кўргазмалар қўлланмалар, методик тавсиялар, семинар дастурлари ва психологик тренинглари тақдимотини ўтказиш ва қўллашга тавсия этиш;

Илмий-методик кенгашга юкланган вазифаларни бажариш доирасида зарур ахборотларни вазирликлар, идоралар ва ҳуқуқни муҳофаза қилиш органларидан қонун ҳужжатларида белгиланган тартибда сўраш ва олиш;

илмий-методик, ўқув ва кўргазмалар қўлланмаларни ишлаб чиқиш мақсадида олимлар ва амалиётчи мутахассисларни белгиланган тартибда, шу жумладан шартнома асосида, РБИММ маблағлари ва бошқа молиялаштириш манбалари ҳисобига жалб этиш.

III. Илмий-методик кенгаш ишларини ташкил этиш тартиби

7. Илмий-методик кенгашнинг йиллик иш режаси ҳар йили декабрда ўтказиладиган йиллик умумий мажлисда кўриб чиқилади ва Илмий-методик кенгаш раиси томонидан тасдиқланади.

8. Илмий-методик кенгаш мажлиси ҳар чоракда камида бир марта ўтказилади. Зарурат бўлганда режадан ташқари (экстрен) мажлис чақирилади.

9. Илмий-методик кенгаш мажлиси унда Илмий-методик кенгаш аъзоларининг учдан икки қисми қатнашган тақдирда ваколатли ҳисобланади, унинг қарорлари қатнашаётганларнинг ярмидан ортиғи овози билан қабул қилинади. Мажлис баённомалари илмий котиб томонидан расмийлаштирилади.

IV. Илмий-методик кенгаш мажлисларида муҳокамаларни ўтказиш тартиби

10. Муаллиф ёки муаллифлар гуруҳи томонидан тайёрланган нашрлар, материаллар ва тадқиқот дастурлари илмий котибга белгиланган тартибда икки нусхада, ариза ва тақризлар билан биргаликда топширилади.

11. Илмий-методик кенгаш мажлисида қўлёзмалар ва дастурлар муҳокама қилингандан сўнг, муаллиф ёки муаллифлар гуруҳига аниқланган камчиликларни бартараф этишга доир амалий тавсиялар берилади.

12. Илмий-методик кенгаш мажлислари йиллик иш режасига мувофиқ ўтказилади. Кун тартибидаги масалалар Илмий-методик кенгашнинг илмий котиби томонидан пухта ишлаб чиқилади.

13. Илмий котиб аъзолар ва муаллифларни Илмий-методик кенгаш мажлиси ўтказиладиган сана, жой ва вақт ҳақида мажлисдан камида бир ҳафта олдин хабардор қилади. Мажлисга мазкур соҳа мутахассислари ҳам таклиф этилиши мумкин. Улар (овоз беришда иштирок этмай) қўлёзмалар ҳақидаги ўз фикр-мулоҳазаларини билдиришлари мумкин.

14. Илмий-методик кенгаш мажлисини раис, у бўлмаганда раис ўринбосари ўтказди.

15. Илмий-методик кенгаш раиси (у бўлмаганда эса — раис ўринбосари) йиллик иш режасини ва кун тартибига киритиладиган масалаларни тайёрлаш ҳамда қарорлар ижросини таъминлаш учун масъул ҳисобланади.

16. Илмий-методик кенгаш баённомаси 5 иш куни муддатда кенгаш раиси (у бўлмаганда эса — раис ўринбосари) томонидан тасдиқланади, Илмий-методик кенгаш аъзолари томонидан имзоланади ва илмий котиб томонидан расмийлаштиради. Илмий-методик кенгаш баённомасидан кўчирмалар илмий котиб томонидан имзоланади ва муҳр билан тасдиқланади.

17. Ёзувларнинг тўғрилиги ва кўчирмаларнинг аслига мослиги бўйича Илмий-методик кенгаш илмий котиби масъул ҳисобланади.

V. Илмий-методик кенгаш аъзолари

18. Илмий-методик кенгаш таркибига республикада ва хорижда ўзининг илмий, методик ва амалий ишлари билан танилган олимлар, амалиётчи мутахассислар (педагоглар, психологлар, ҳуқуқшунослар, шифокорлар, ижтимоий соҳа ходимлари, социологлар) киради. Илмий-методик кенгаш аъзолари жамоатчилик асосида фаолият олиб боради.

19. Илмий-методик кенгаш аъзолари:

жалб этилган мутахассислар билан биргаликда болаларнинг ижтимоий ҳимояси, мослашуви ва реабилитациясига оид ўқув-методик, илмий ва кўргазмаларни қўлланмаларнинг сифатини ошириш юзасидан ўз таклиф ва тавсияларини тақдим этадилар;

қўлёзмаларни муҳокама қилишда фаол иштирок этадилар ва улар бўйича ҳолисона ва асосланган хулосалар берадилар;

болаларнинг ижтимоий ҳимояси, мослашуви ва реабилитациясига оид илмий ишлар (диссертациялар, монографиялар ва илмий-тадқиқот ишланмалари) бўйича хулосаларни тузишда иштирок этадилар;

илғор иш тажрибасини оммалаштириш мақсадида болаларнинг ижтимоий мослашуви билан шуғулланадиган ташкилотларга амалий ёрдам кўрсатадилар.

Вазирлар Маҳкамасининг
2014 йил 20 январдаги 11-сон қарорига
4-ИЛОВА

**Республика болалар ижтимоий мослашуви марказининг
Илмий-методик кенгаши
ТАРКИБИ**

Алимова В.С. <i>лавозимига қўра</i>	— РБИММ директори, Илмий-методик кенгаш раиси — РБИММ директорининг илмий ишлар бўйича ўринбосари, Илмий-методик кенгаш раисининг ўринбосари
Фозиев Э.Ф.	— М. Улуғбек номидаги Ўзбекистон Миллий университети «Психология» кафедраси профессори, Илмий-методик кенгаш раисининг ўринбосари
Ахмедова Д.И.	— Республика Ихтисослаштирилган педиатрия илмий-амалий тиббиёт маркази директори
Муродова Ш.О.	— «Ўзбеккино» миллий агентлигининг Илмий-оммабоп ва ҳужжатли фильмлар киностудияси директори
Джамолдинова О.Р.	— Низомий номидаги Тошкент давлат педагогика университети проректори
Ганиева М.Х.	— М. Улуғбек номидаги Ўзбекистон Миллий университетининг «Социология» кафедраси мудири
Мусурмонова О.М.	— Ўзбекистон давлат жаҳон тиллари университетининг «Педагогика ва психология» кафедраси мудири
Исмоилов И.И.	— Ўзбекистон Республикаси Ички ишлар вазирлиги Академиясининг «Жиноятларнинг олдини олиш» кафедраси бошлиғи
Назарова Д.Н.	— А. Авлоний номидаги Халқ таълими ходимларининг малакасини ошириш марказий институтининг «Махсус таълим» кафедраси мудири
Исмоилов Б.И.	— Ўзбекистон Республикаси Адлия вазирлиги ҳузуридаги Юристар малакасини ошириш марказининг «Халқаро ҳуқуқ ва инсон ҳуқуқлари» кафедраси профессори
Раҳмонова В.С.	— Низомий номидаги Тошкент давлат педагогика университетининг «Махсус таълим методикаси» кафедраси профессори
Мўминова Л.Р.	— Низомий номидаги Тошкент давлат педагогика университетининг «Махсус таълим» кафедраси профессори
Карамян М.Х.	— М. Улуғбек номидаги Ўзбекистон Миллий университетининг «Психология» кафедраси доценти
Назарова Э.Н.	— РБИММнинг Жисмоний имкониятлари чекланган болалар муаммоларини ўрганиш бўлими раҳбари
Хрульнова Г.В.	— РБИММнинг Ота-оналари қаровисиз қолган болалар муаммоларини ўрганиш бўлими раҳбари
Исроилова Н.А.	— РБИММнинг Ижтимоий ва ҳуқуқий жиҳатдан хатарли гуруҳларга кирадиган болалар муаммоларини ўрганиш бўлими раҳбари

4 (608)-сон

— 53 —

48-49-моддалар

- Тожиева С.Х. — РБИММнинг Ижтимоий ишлар бўлими раҳбари
- Тоирова М.А. — РБИММнинг Алоҳида иқтидорли болалар муаммоларини ўрганиш бўлими раҳбари
- Каримова И.Ш. — РБИММнинг Ахборот-консалтинг хизмати раҳбари
- Тухватулина Э.А. — «Vola va Zamon» журнали бош муҳаррири
- Бозоров А.А. — РБИММнинг Болаларнинг ҳуқуқий муаммоларини ўрганиш бўлими раҳбари, **Илмий-методик кенгаш илмий котиби**

Изоҳ: илмий-методик кенгаш аъзолари бошқа ишга ўтган тақдирда, унинг таркибига ушбу лавозимга янгидан тайинланган шахслар ёки тегишли функцияларни бажариш зиммасига юкланган шахслар киритилади.